



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Montisfalisci, M.DCC.XVII.**

Casus II. Argumentum. Fundans Ecclesiam non acquirit jus sepulturæ, nisi illud expressè reservaverit in limine fundationis, nec defuncto Patrono absque electione sepulturæ Ecclesia Patronalis potest ...

[urn:nbn:de:hbz:466:1-72191](#)

Christiano; sed supradicti Honores, non debentur omni Christiano; Ergo isti *Canones* non concedunt supradictos honores Fundatori. Respondetur enim, *Canones* hos concedere illum honorem Fundatori, qui debetur omni Christiano non simpliciter, & absolute, sed cum addito scilicet *Patrono*, ut sunt honores supradicti. Rectum enim est, ut cum honor sit benefactivæ Gloriæ indicium magis honorentur, qui beneficia contulerunt, deinde qui conferre queunt. *Arist. lib. 1. Rhet. ad Theodect.*

15 Non debetur tamen Patrono talis honor, ut scilicet in suo servitio retinere possit *Canonicos Ecclesiarum Collegiatarum* de Jurepatronatus, ut fuit resolutum à *Sacra Congregatione Concilii in una Seguntina 20. Febr. 1593. lib. 7. pag. 93.* nisi in limine Fundationis hoc sibi reservaverit; sicuti potest, ut dicam infra par. 2. *Can. XXVII.*

Ex quibus omnibus patet opus Fundationis Ecclesiarum, cùm habeat pro præmio honorem, præstantius esse cæteris operibus, dum ut nos docet Aristoteles *in l. primo Rhet. cap. 9.* Quorum præmium honor est, atque laus longè præstantiora sunt, quām ea, quorum præmium est pecunia. Unde de Fundatore Ecclesiarum canere possumus, quod olim cecinit *Vates ille.*

Dum juga montis aper, fluvium dum pescis amabit.

Dum tbimo pascentur Apes, dum rora, cicadae;

Semper honor, nomenque tuum, laudesque manebunt.

Virgil. *Eclog. 5.*

ARGUMENTUM.

Fundans Ecclesiam non acquirit Jus sepulturæ, nisi illud expressè reservaverit in limine fundationis. Nec defuncto Patrono absque electione sepulturæ Ecclesia Patronalis potest prætendere Jus tumulandi illius Cadaver.

S U M M A R I U M .

- 1 Sepulcrum numeratur ab Aristotile inter partes honoris.
- 2 Fundans Ecclesiam non acquirit in ea jus sepulturæ, nisi in limine fundationis hoc sibi reservaverit & num 6. sed limita, ut num. 7.
- 3 *Jus sepulturæ quid sit?*
- 4 *Jus sepulchri non transit ad heredes extraneos.*
- 5 *Glossæ in cap. Unic. de jurepatr. in. 6. versc. Item, & in cap. Qui sentit de reg. jur. versc. Item eodem libro expli- cantur*
- 6 Fundator non habet jus concedendi sepul- turas, vel Cappellas in Ecclesia Patrona- li, sed limita ut ibi.
- 7 *Jus sepeliendi Cadavera Parochianorum decendentium absque electione sepulturæ, & absque sepulchro majorum spectat ad Ecclesiam Parochiale.*
- 8 *Parochus sepeliens alienum Parochianum, tenetur restituere corpus.*
- 9 *Jus sepeliendi proprios Parochianos est jus Parochiale.*
- 10 *Patronus Ecclesia Parochialis, cuius est Parochianus decedens absque electione Sepultura est sepeliendus in illa.*
- 11 *Parocco debetur Canonica portio pro fu- neribus proprii Parochiani, & quare &*
- 12 *Confuetudo Sacris Canonibus contraria di- citur corruptela.*
- 13 *Immemorabilis difficile probatur, & qua requirantur ad ejus probationem?*
- 14 *Proprietas clara absorbet possessionem.*
- 15 *Confuetudo contra jus commune ad hoc ut sit valida quid requiritur.*
- 16 *Vocabulum Matricis est equivocum.*
- 17 *Ecclesia Parochialis debet habere certum Territorium, alias non esset Parochialis.*

C A S U S II.

Fundans Ecclesiam an acquirat unà cum aditu processionis, seu jure honorificentiæ jus sepulturæ cum privativa, nè alii nisi ipse, & ejus Descendentes se- peliantur in dicta Ecclesia.

Et videtur quod Fundans Ecclesiam ex eo quod per supradictos *Canones* acquirat jus honorificentiæ, acquirat etiam jus sepul-

De Jurepatronatus. Pars I. Cān. I. & II. Cas. II. 9

sepulturæ , scilicet Ius , ut ipse , & ejus Descendentes sepeliantur in ea Ecclesia , & Ius prohibendi , ne alii sepeliantur in illa , dum sepulcrum numeratur inter Partes Honoris ab Aristotele lib. 1. Rhetor. ad Theodet. cap. 5. ibi: *Honoris Partes sunt Sacra, memorationes, Decantationes carminum, aut solute orationis ad laudem recitatio, loci, vel primi confessus, sepulcra, Imagines, Publici victimæ. Et glossa in Cap. Unic. de Iurepatr. in 6. versic.* Item. & in Cap. Qui sentit de regul. Iur. versic. Item eodem lib. dicit, quod Patronus sit præ cæteris honorandus in sessionibus, & sepultura.

2 Contrarium tamen verius de Iure est, quia Ius sepulturæ est omnino diversum, & nihil habet commune cum Iurepatronatus, ut docent Lamberlin. de Iurepatr. lib. 1. par. 1. quæst. 11. art. 13. Lotter. de re Benefic. lib. 2. quæst. 4. num. 22. Ventrigh. in præ. For. Eccles. Annot. prima de Iurepatr. S. 4. num. 13. Rota decif. 163. num. 15. par. 17. recent. & decif. 145. num. 8. coram Gregor. & decif. 162. num. 17. & seq. coram Bich. Ius enim sepulturæ est Ius humandi proprium Cadaver, & luorum, & prohibendi, ne alii sepeliantur in eodem sepulcro, quod ædificavit de licentia Ordinarii; Ius vero Patronatus est Ius honorificum, onerosum, & utile alicui competens in Ecclesia pro eo, quod illam fundavit, construxit, & dotavit; ædificare, & construere Ecclesiam tendit ad Cultum Divinum, non sic sepultura; Ius Patronatus transit ad hæredes extraneos, non vero Ius sepulcri; Quia quando deficit Progenies illorum, quibus tale Ius competit, extinguitur dictus usus Sepulturæ, & liberè transit ad Ecclesiam, sicut dicitur de usufructu extincto illo, cui fuit facta concessio L. pen. Cod. de Usufruct. Rota in Calaguritana Sepultura 17. Maii 1606. coram Coccin. Ergo ex eo, quod prædicti Textus concedant Fundanti Ecclesiam Ius patronatus, seu Ius honorificentia, non proinde concedunt, ei etiam Ius Sepulturæ.

5 Nec obstant Glossæ supradictæ, quia imprimis non sunt veræ Glossæ, sed figuraciones Casum. Deinde loquuntur de honore Prælationis respectu illorum voluntium Sepulturam in Ecclesia, quod

Pars I.

scilicet Patronus præferri debet aliis concurrentibus in petitione sepulturæ. Ut declarat Rota decif. 445. coram Cavaler. num. 5.

6 Benè verum est, quod potest Fundans Ecclesiam in limine foundationis reservare sibi, & pro suis Descendentibus Jus Sepulturæ cum privativa ad alios in illa Ecclesia; & tunc ex tali pactione, & lege conveniet illi Jus sepulturæ, ut advertit Vitalin. in Clement. Dudum S. Hujusmodi num. 10. Archidiacon. in cap. 1. de pacific. in 6. num. 6. Lotter. dicto lib. 2. quæst. 4. numer. 22. Amostaz. de Causis Piis lib. 5. cap. 7. num. 38. Rota decif. 308. num. 4. par. 4. tom. 1. recent. Concurrente tamen licentia Episcopi, sive expressâ, sive tacitâ; nam quod Laici habeant Jus Sepulturæ in Ecclesia, cum tolerentur solum ex gratia, non possunt acquirere hujusmodi Jus Sepulturæ invito Episcopo. Abb. in Cap. Abolenda de Sepult. num. 5. versic. Quidquid. ibique Butrius num. 3. Rota decif. 222. num. 4. & decif. 223. num. 3. par. 1. divers. Et dummodò Sepultura sub Bradellis, aut propè Altare non fiat. Amostaz. de Causis Piis lib. 5. cap. 7. num. 38.

8 Multoque minus Fundator, si vigore supradictorum Canonum non habet Jus Sepulturæ, poterit sibi vindicare Jus concedendi Sepulturas, vel Cappellas in Ecclesia Patronali, nisi id Jus sibi fuerit in limine foundationis cum consensu Episcopi legitimè reservatum, ut tuit refolutum à Sacra Congregatione Concilii in Seguntina 24. Januarii 1602. lib. 10. pag. 21.

Et hic non incongruum duxi annexere sequentem Casum, in quo olim Ego scripsi, scilicet: Defuncto Titio Patrono Ecclesiæ A, absque electione, & reservatione Juris Sepulturæ in eadem Ecclesia; hæc prætendebat tumulationem illius Cadaveris, necnon emolumenta funerum sub prætextu, quod cum sit ab ipso Patrono fundata debeat illum in sinu suo recipere, & exercere hunc actum gratitudinis erga illum, à quo habuit esse, ad exemplum boni Filii, qui omne debitum gratitudinis, & reverentiae exercere debet erga proprium Patrem defunctum; & etiam sub prætextu, quod ipsa sit ab immemorabili

B

rabilis

ribili in possessione tumulandi omnes Cives decedentes ab intestato, & absque electione Sepulturæ, cum solutione carolenorum duorum pro quolibet Defuncto; tum etiam eo sub fundamento, quod ipsa sit Matrix; & habeat curam habitualem respectu aliarum Ecclesiarum.

Contra quam prætentioem insurrexit Ecclesia Parochialis B. vindicando dictam tumulationem ad se pertinere. Hinc ora lite inter has duas Ecclesias datum fuit dubium: An, & in qua Ecclesia tumulandum sit Cadaver præfati Patroni, & cuinam competat Jus exigendi emolumenta funerum? Quod resolvendum dicebam favore Ecclesiae Parochialis B., licet non fuerit mihi exhibita in facto ulla circumstantia militans pro dicta Ecclesia Parochiali B.

9 Clara est enim dispositio Juris, quod decedentibus Parochianis absque electione Sepulturæ, & absque sepulcro majorum, Jus sepeliendi eorum Cadavera spectat ad Ecclesiam Parochialem, & qua tum in vita, tum in articulo mortis cælesti pabulo Parochiani reficiuntur, ut sunt Textus clari in Cap. *Dilectus de Cappell. Monach.* cap. ex parte, cap. *Cum liberum de Sepult.* Sperell. *decis. 87. num. 5.* & *decis. 88. num. 4.* & *33.* Nec potest alia Ecclesia Parochialis, seu alius Parochus alienum Parochianum sepelire, alias transgrederetur terminos proximi sui, & Iure cogeretur restituere corpus juxta Textum in cap. primo de Sepultur. adjuncta ibi gloss. Verb. ne transgrediaris, & Textu in cap. Ex parte in cap. *Cum liberum*, *reodem tit.* Quia cum Ius sepeliendi proprios Parochianos decedentes absque electione Sepulturæ sit Ius Parochiale, non potest alter Parochus, aut alius Rector Ecclesie se ingerere in illo, ut expressè statuitur per Concilium generale Vienense in *Clement. Dudum de Sepult.* Abb. *Abolenda num. 6.* Extra eodem tit. & in rubr. de Paroch. num. 2.

10 Stante hac Juris dispositione, cum Patronus defunctus absque electione Sepulturæ sit Parochianus Ecclesie Parochialis B. à qua recepit infra annum, nec non in articulo mortis Sacra menta, sepeliendus est de Iure in dicta Ecclesia Parochiali, & ipsi danda veniunt emolu-

menta funerum; Parochus enim fundatam habet intentionem super Canonica portione pro funeribus proprii Parochiani, ac super omnibus obventionibus contingentibus intra limites Parochiae, & ad eum omnes spectant per Text. in cap. *Pastoralis de Sepult.* Eâ ratione, quod eum Parochus habeat onus prædicandi, confitendi, administrandi alia Sacra menta, assistendi in articulo mortis, & invigilandi supra suos Parochianos; justum est, quod istis decedentibus habeat ab ipsis emolumenntum, pro eorum funeribus juxta illa principia rationi congrua; Qui sentit incommodum debet sentire, & commodum: Dignus est operarius mercede sua: Et ut apud Apostolum: Sint consolationum Socii, qui fuerunt passionum. *Textus in cap. 1. 2. & 4. de Sepult.* ibique *Gloss. verb. à quibus Assumpti Clement.* *Dudum eodem tit.* *Gratian.* in cap. *Placuit 13. quæst. 2. S.* Sed aliud propè finem. *Rota decis. 501. num. 1. par. 13.* recent.

Nec huic dispositioni, & assistentiæ Iuris favore Ecclesie Parochialis B. obstat prætena observantia immemorabilis, quam ex adverso decantat Ecclesia Patronalis A. existendi in possessione, tumulandi omnes Cives, decedentes ab intestato absque electione Sepulturæ, & exigendi emolumenntum carolenorum, duorum pro quolibet Defuncto; quia omisso, quod consuetudo, vel observantia Sacris Canonibus contraria non valeat cap. *Cum causa de sent.* & *re judic.* diciturque potius corruptela. cap. *Cum Ven. septimo de consuetud.* itaut nec transcurso cuiuscumque temporis firmetur; sed eo gravius damnetur *Rot. penes Postb.* *de Manut.* *decis. 321. num. 18.* & seqq. Non potest adhuc in dicta immemorabili fieri in Ecclesia Patronali ullum fundamentum pro manutentione in possessione tumulandi omnes Cives ab intestato decedentes, ac exigendi dictum emolumenntum.

Quia in primis probatio immemorabilis est aded difficultis propter rigorem omnium requisitorum juxta *Gloss. in cap. 1. de prescript.* in 6. ut rari sint casus, in quibus illa probata remaneat, ut adverturnt *Trobac.* *de effect.* *immemorabil. quæst. 9.* num.

num. 9. & sequen. Card. de Luca de regal. disc. 146. num. 15. Requiritur enim ad illam primò, quòd Testes deponant de proprio viſu per quadraginta anno conuinios ante motam litem, ut patet ex Adden. ad Buratt. decif. 973. num. 7. in fine, Rota coram Cerr. decif. 607. num. 16. & coram Merlin. decif. 532. num. 20. Secundò: Ut deponant de primo auditu à majoribus, quòd nempe ita illis dixerat fuisse servatum in Ecclesia Patronali. Rocch. disput. Iur. cap. 167. num. 21. Pœn. decif. 641. num. 3. Merlin. decif. 532. num. 20. Tertiò: Quòd deponant etiam de secundo auditu, quòd nempe eorum majores hoc ipsum audiverint ab aliis eorum majoribus, ut est magistralis decisiō 1392. coram Coccin. & dicta dec. 641. coram Pœn. Pax Iordan. tom. 3. Lucubr. lib. 14. tit. 18. Sabell. in Summ. diverſor. tract. in Verb. Consuetudo num. 15. Quartò: Ut deponant, quòd neque ipsi Testes, neque eorum majores unquam viderint, atque audiverint contrarium Pax Iordan. tom. 2. Lucubr. lib. 11. tit. 13. num. 54. Marescott. var. refol. lib. 2. cap. 100. n. 10. Rocch. disput. Iur. cap. 167. num. 21. Rota coram Gregor. decif. 691. num. 1. Quintò denique: Ut deponant de publica voce, & fama per verbum fuit, & est, & sic percutiendo tempus tam præſens, quam præteritum, & addendo, quòd non extitit, nec extat memoria initii; Rota coram Cerr. decif. 607. num. 20. & coram Bich. decif. 528. num. 11.

In præſenti autem obſervantiam im- memorabilem tumulandi omnes Cives, & exigendi dictum emolumentum, quam juxta Ecclesia Patronalis A., non video in facto probatam per supradicta requiſita; Unde cum proprietas Iuris tumulandi clare ex supradictis pertineat ad Ecclesiam Parochialem B. ſequitur, quòd nulla sit poffeffio tumulandi, quam dicit habere Ecclesia Patronalis A., dum pro- prietas clara absorbet poffessionem juxta theoricam Panormitan. in cap. Consultationibus de Iurepatr. Dominus meus Ad- vocatus Pitonius diſcept. Eccles. 29. num. 2. Rota coram Priol. decif. 113. numer. 35. & 36. & coram Emeritæ Iun. decif. 1320. num. 15. cum aliis in Alatrina Iurispatr. 15. Iunii 1705. §. final. & 7. Decembrie

seq. §. Nullatenus coram R.P.D. Scotto.

17 Deinde hujusmodi consuetudini, quam vocant immemorabilem tumulandi omnes Cives ab intestato decedentes, cum obſtet Ius commune, non ſufficit, quòd bona fide fuerit introducta, ſed insuper requiritur titulus juxta Textum in cap. 1. De præscript. Qui ſi ſit insufficiens, aut nullus, nihil juvat immemorabilis, quæ tanquam accessoria ad titulum, eo corruente, corruit conſequenter, & ipsa. Barbos. in Rubric. De præscript. num. 349. Gratian. diſcept. 441. num. 18. Caſtill. de- cift. 12. num. 16. & 17. lib. 2. Rota in Bo- nonien. Iurispatr. de Ghisleriis coram bo- mem: Rio imprefſ. apud Balducc. ad Ramon- tom. 4. decif. 203. num. 22. Et in Nullius Fulden. Iurisdictionis 1. Iunii 1708. §. 153. & 2. Iunii 1710. §. pro reſpoſione coram R. P. D. Anſaldo.

Non potest Ecclesia Patronalis B. al- legare pro titulo Immemorabilis, quòd 18 fit Matrix, quia cum vocabulum Ma- tricis ſit equivocum, & referribile ad quamdam matricitatem impropriam, quæ prædicatur de Ecclesia, quæ fit no- biliar, & antiquior, non est aptum dandi Ius Ecclesiæ A. tumulandi omnia Cada- vera; ſed ſolum dandi Ius Prælationis, & Præminentia super omnes alias Ec- clesiæ, Card. de Luca de Paroch. diſc. 27. num. 10.

Nec valet allegare pro titulo, quòd habeat curam habitualem relatiæ ad omnes alias Ecclesiæ ejusdem Loci, quia cum Ecclesia B. ſit verè Parochialis debet ha- bere certum Territorium aliæ non eſſet Parochialis juxta doctrinam Ioannis Andreæ in cap. Super eo de præben. in 6. & aliorum, apud Gonzal. Glosſ. 6. num. 92. Dum duæ Parochiæ non poſſunt promi- ſcuè in una eademque determinatione conſtitui, reſiſtente Textu in cap. Præci- pimus 16. queſt. 1. & in cap. Tua nos de- Eccles. edifican. Rota decif. 281. num. 11. par. 15. recent. Et ſic cum etiam Eccle- ſia Patronalis A. haberet curam habitua- lem, ſequeretur, quòd cura habitualis ejusdem populi eſſet penes duas Eccle- ſias, quod eſt prohibitum juxta Textum in cap. Cum non ignores de Præben. Rota decif. 274. num. 10. par. 14. recent.

B 2

Ac

{ Ac proinde deficiente titulo prætensiæ immemorabilis, jus tumulandi Patronum defunctum competit Ecclesiæ Parochiali B. cui favet assistentia Iuris. *Menoch. de retinen. possess. remed. 3. num. 122. & seqq.* *Gratian. discept. 898. num. 17. Postb. de Manut. observ. 10. num. 21. & seqq.*

Nec aduersatur, quod Ecclesia A. cum sit fundata, & dotata à Patrono, debeat illi præstare honorem, & reverentiam recipiendi in se illius Cadaver, quia ut superius notavi, Patronus in Ecclesia Patronali non habet Ius sepulturæ, nisi hoc sibi specialiter reservaverit in limine fundationis.

ARGUMENTUM.

Tradens Fundum in Emphyteusim pro ædificanda Ecclesia, reservato sibi certo Canone annuatim, non acquirit Jus Patronatus in illa.

SUMMARIUM.

1 *Tradens Fundum in Emphyteusim pro ædificanda Ecclesia, non acquirit in ea Jus patronatus, & Quare?*

2 *Dominus Fundi dando Fundum Ecclesiæ amittit dominium Fundi, sed acquirit in Ecclesia Jus honorificentie.*

CASUS III.

Quidam dedit in Emphyteusim pro ædificanda Ecclesia Fundum suum reservato sibi certo Canone annuatim; Quæritur an iste ratione assignationis Fundi acquirat Jus patronatus?

Respondeo negativè, quia Textus in supradictis duobus capitibus concedit Jus patronatus, seu Aditum processionis absolute Fundanti, seu danti Fundum pro ædificanda Ecclesia transferendo in illam totum Ius suum scilicet: Dominium tam directum, quam utile Fundi; sicuti dedit absolute Fundum pro ædificanda Ecclesia transferendo in illam utrumque dominium Iulius ille, cui Ge-

lafius Papa in supradicto Canone *Pie Mentis* in retributionem hujusmodi Beneficii collati Ecclesiæ dedit Aditum processionis; sed ille, qui dedit Fundum in Emphyteusim pro ædificanda Ecclesia, non dicitur absolute dedisse Fundum, quia non transtulit in Ecclesiam totum Ius suum cum reservaverit sibi dominium directum in Fundo, ergo Textus in supradictis duobus capitibus non concedit Jus patronatus danti Fundum in Emphyteusim pro Ecclesia ædificanda; Ita tenent *Gae. in repet. cap. final. de Elect. lib. 6. in 21. col. Lambertin. de Jurepatr. lib. 1. par. 1. quest. 2. art. 2.*

Quod comprobatur paritate Domini, & Servi; sicuti enim Dominus manumittendo servum, & privando se illo amittit dominium Servi, sed acquirit Jus patronatus in eo *ex leg. prima, & secunda ff. de Jurepatr. & ex leg. prima, S. Circa. ff. de Offic. Praefect. Urb. & Archidiaconus 2 in dicto cap. Pie Mentis*; Ita Dominus Fundi dando Fundum Ecclesiæ amittit quidem dominium fundi, sed acquirit in Ecclesia Jus patronatus, seu Ius honorificentie.

ARGUMENTUM.

Ædificata Ecclesia in Fundo, inscio Proprietario, an hic acquirat in illa Jus patronatus ratione Fundi.

SUMMARIUM.

1 *Ædificans Ecclesiam in Fundo meo, me inscio, Ego non acquiro in ea Jus patronatus ratione Fundi, sed liberta, ut ibi.*

2 *Ædificans Ecclesiam in Fundo meo, me inscio, an acquirat Jus patronatus in illa ratione Ædificationis?*

3 *Ædificium cedit solo.*

CASUS IV.

Quidam ædificavit Ecclesiam in Fundo meo, me inscio, queritur, an Ego ratione Fundi acquiram Jus patronatus in illa Ecclesia:

1 *Respondeo negativè, quia non possum acqui-*